

**II. ATALA**
BIZKAIKO LURRALDE HISTORIKOKO TOKI ADMINISTRAZIOA**Sopelako Udala****Trakzio Mekanikoko Ibilgailuen gaineko Zerga arautzen duen zerga Ordenantzaren aldaketaren behin-betiko onarpena.**

Sopelako Udalbatzarrak, 2021eko irailaren 30ean egindako ohiko bileran, indarrean egongo den trakzio mekanikoko ibilgailuen gaineko zerga arautzen duen zerga ordenantzaren aldaketaren onarpena behin behineko erabaki zuen.

Ez da ezelako erreklamaziorik aurkeztu trakzio mekanikoko ibilgailuen gaineko zerga arautzen duen zerga ordenantzaren aldaketa onartzeari dagokion behin-behineko erabakia jendaurrean jarri den epealdian, beraz, erabaki hau behin betikotzat jotzen da Udal Ogasunen 9/05 Foru Arauaren 16.3 atalean erabakitakoarekin bat, Ordenantzaren aipatutako Onarpena eta Ezarketa eta Antolamenduen behin betiko testu osoa argitaratuz, argitaratzen denean indarrean egongo delarik, eta horren aurka interesdunek errekurtsioa tartekatu ahal izango dute Administrazioarekiko Auzi-bidean azaroaren 20ko 8/1990 Foru Arauaren 3 atalaren arabera, Bizkaiko Aldizkari Ofizialean argitaratzen denetik hasita, eskumen hori araupetzen duten Arauek erabakitzen duten eran eta epean.

Trakzio mekanikoko ibilgailuen gaineko zerga arautzen duen zerga ordenantzaren behin betiko testua, horrela geratzen da idatzita.

Sopelan, 2021eko azaroaren 29an.— Alkatea

**TRAKZIO MEKANIKOKO IBILGAILUEN GAINEKO
ZERGA ARAUTZEN DUEN ORDENANTZA****I. XEDAPEN OROKORRAK****1. artikulua**

Udalak, Bizkaiko Lurralde Historikoko Toki Ogasunak araupetu dituen Foru Arauan eta Zergari buruzko Foru Arauan ezarri denarekin bat etorritz, Trakzio Mekanikoko Ibilgailuen gaineko Zerga ordenantza honen arabera eskatuko du; aplikatuko diren tarifak eranskinean ageri dira.

2. artikulua

Ordenantza hau udal-mugarte osoan aplikatuko da.

II. ZERGA EGITATEA**3. artikulua**

Hauexek dira Zergaren zerga-egitateak:

1. Bide publikoetatik zirkulatzeko gai diren trakzio mekanikoko ibilgailuen titulartasuna, direnak direla ibilgailuen mota eta kategoria.
2. Zirkulaziorako gai den ibilgailutzat joko da erregistro publiko egokietan matrikulatu dena, baja ematen ez zaion bitartean. Zerga honen ondorioetarako, aldi baterako baimena duten ibilgailuak eta turismo-matrikula dutenak ere zirkulatzeko gai diren ibilgailutzat joko dira.
3. Ondorengoak ez daude Zergaren kargapean:
 - a) Antzinatasuna dela-eta erregistroan baja emanda egonik, aparteko kasuetan erakustaldietan, lehiaketetan eta lasterketetan ibiltzeko baimena jaso lezaketanak, horretara mugaturik daudela.
 - b) Trakzio mekanikoko atoiak eta erdi atoiak, zama erabilgarria 750 kg baino gutxiagokoa dutenak.

III. SALBUESPENAK ETA HOBARIAK**4. artikulua**

1. Zergatik salbuetsita egongo dira:
 - a) Estatuko, Euskal Herriko Autonomia Erkidegoko, Bizkaiko Lurralde Historikoko eta toki erakundeetako herritarren defentsarako edo segurtasunerako ibilgailu ofizialak.
 - b) Atzerriko herrialdeetako ordezkari diplomatikoen, kontsul-bulegoetako kideen, eta kreditatuta dauden agente diplomatikoen eta kontsul-funtzionarioen ibilgailuak, baldin eta herrialdeko herritarrak badira eta ibilgailua kanpoaldean identifikatuta badago, eta elkarrekiko salbuespena badago, hedapen eta maila berekoa.
Halaber, Espainiar estatuan egoitza edo bulegoa duten nazioarteko erakundeen ibilgailuak eta diplomazi estatutua duten haien funtzionarioak edo kideenak. Orobat, nazioarteko itunen edo hitzarmenen bidez salbuetsita dauden ibilgailuak.
 - c) Anbulantziak eta osasun-laguntzako ibilgailuak, eta zaurituak edo gaixoak garraiatzeko erabiltzen direnak.
 - d) Mugitzeko eragozpenak dituzten pertsonentzako ibilgailuak, abenduaren 23ko 2822/1998 Errege Dekretuaren bidez onetsitako Ibilgailuen Araudi Orokorreko II. eranskineko A letran adierazitakoak, baldin eta ezinduen izenean matrikulatuta badaude. Halaber, salbuetsita daude ezindu baten izenean matrikulatutako 14 zerga-zalditik beherako ibilgailuak, ezinduak erabiltzeko baizik ez direnak. Salbuespena inguruabar horiek hala irauten duten artean aplikatuko da, urrituek gidatzen dituzten ibilgailuei zein haiek garraiatzeko erabiltzen direnei dagokienez.



Aurreko bi paragrafoetan ezarritako salbuespenak ezin dira aplikatu batera, hots, onuradun bati ez zaio bat baizik aplikatuko, ibilgailu bat baino gehiago eduki arren.

Letra honetan xedatutakoaren ondorioetarako, ondoko hauek hartzen dira ezindutzat:

a') Mugitzeko gaitasuna murriztuta izanda, %33-65 bitarteko minusbalio-gradua onartuta duten pertsonak; halakotzat joko dira minusbalio-gradua aintzatetsi, adierazi eta kalifikatzeari buruzko abenduaren 23ko 1971/1999 Errege Dekretuaren III. eranskineko baremoko A, B edo C letretan adierazitako egoeretako batean daudenak eta baremo horretako D, E, F, G edo H letran 7 puntu edo gehiago dituztenak.

b') %65eko edo gehiagoko ezintasun-gradua duten pertsonak.

1971/1999 Errege Dekretuaren III. eranskin gisa agertzen den baremoan A letrarekin kalifikatutako mugitzeko gaitasuna murriztuta izanda, aurreko a') eta b') letretan sartutako pertsonen ez zaie 14 zerga-zaldiren muga aplikatuko, betiere ibilgailua gurpildun aulkirako egokituta badago.

Aurreko idatz-zatiko d) letraren bigarren lerroaldean aurreikusitako salbuespena aplikatu ahal izateko, interesatuak ezintasuna egiaztatzen duen agiria aurkeztu beharko du, eta hala badagokio, mugikortasun murriztuaren egiaztagiria, organo eskudunak emana; eta zerga ordaintzen dion Udalaren aurrean agiri bidez justifikatu beharko du zertarako erabiltzen den ibilgailua, dagokion ordenantza fiskalean ezartzen den eran.

Hemen ezarrita dauden salbuespenak arautuak dira, eta erreguzko izaera dute. Salbuespenok eskumena duen udal-organok emandako administrazio-egintza adieraziaren bidez emango zaizkie eskatutako betekizunak betetzen dituzten subjektu pasiboei, haiek eskabidea egin ondoren. Eskabide horretan, ibilgailuaren ezaugarriak, matrikula eta onuraren arrazoia jaso beharko dituzte, eta, horrekin batera, honako agiri hauek ere aurkeztu beharko dituzte:

1. Zirkulazioko baimenaren fotokopia.
2. Elbarritasuna egiaztatzen duen agiria, Bizkaiko Foru Aldundiaren organo eskudunak emandakoa; ez da nahikoa izango ezintasunak baloratzeko taldeek egindako irizpen tekniko-fakultatiboa aurkeztea.
3. Zinpeko aitortpena, ibilgailua minusbaliodunak ez beste inork erabiliko duela adieraztekoa.

Udal Administrazioak salbuespena onartu eta gero, berau egiaztatzeko agiria emango zaio interesatuari.

7/2003 Foru Araua indarrean jarri aurretik, Trakzio Mekanikodun Ibilgailuen gaineko Zergari buruzko ekainaren 30eko 7/1989 Foru Arauko 2.1d) artikularen testu zaharrean ezarritakoa aplikatuz zerga hori ordaindu beharretik salbuespena egon diren ibilgailuetatik foru-arau honek artikulatu horri emandako testu berrian ezarritako betekizunak betetzen ez dituztenek testu zaharreko salbuespena aplikatzeko eskubidea izango dute, ibilgailuak testu hartan salbuespena aplikatzeko ezarritako betekizunak betetzen dituen bitartean.

Oro har, salbuespena emanez gero, eskatu den urtearen ondoko ekitaldian sortzen ditu ondorioak; ez du atzeraeraginik. Hala ere, likidazioa irmoa izan aurretik eskatzen bada, ezinbestekoa da zerga-zorra sortu den egunean aplikatzeko betekizunak betetzea.

- e) Hiriko garraio publikorako autobusak, mikrobusak eta gainerako ibilgailuak, bederatzi plaza baino gehiago dituztenak, gidaria barne.
- f) Nekazaritzako Ikuskapenaren Txartela duten traktoreak, atoiak, erdi atoiak eta makinak.

Salbuespen hau aplikatu ahal izateko, interesatuak eskatu egin behar dute, eta, horretarako, ibilgailuaren ezaugarriak, matrikula eta onuraren arrazoia azaldu



behar dituzte. Udal Administrazioak salbuespena onartu eta gero, berau egiaztatzeko agiria emango zaio interesatuari.

2. Hurrengo hauek izango dute hobaria:

a) Zergaren kuotaren %75eko hobaria indarreko Ibilgailu Historikoen Erregelamenduan ezarritakoarekin bat etorritik jotako ibilgailuei, betiere hala inskribatuta ageri badira Trafikoko Lurralde Burutzako Ibilgailu Historikoen Erregistroan.

Hobari hori baliatu ahal izateko, hobaria emateko eskaera egin beharko dute ibilgailuen titularrek, behar bezala sinatuta, ondorioak izaten hasten den aribideko zergaldiko urtarrilaren 1etik otsailaren 15ra arte. Eskaera otsailaren 15a baino geroago aurkezten bada, hobariak aintzatespenaren hurrengo urtean sortuko ditu ondorioak. Eskaerarekin batera, honako dokumentazio hau aurkeztu beharko da:

— Zirkulazio-baimenaren fotokopia edo ibilgailu historikoa dela eta Ibilgailu Historikoen Erregistroan inskribatuta dagoela agerrarazteko administrazio eskudunak emandako agiria.

— Ibilgailuaren fitxa teknikoaren fotokopia.

b) Gutxiago kutsatzen duten ibilgailuek hobaria izango dute zergaren kuotan, betiere dituen ezaugarrien arabera dagokien ehunekoan, eta ondoko ataletako batean ezarritako baldintzak betetzen badira:

1) Zergaren kuotaren %50eko hobaria, 120 gr/km-ko CO₂ isuriak edo txikiagoak dituzten ibilgailuei. Hobari honek 5 urteko iraupena izango du, ibilgailuaren lehenengo matrikulaziotik zenbatuta.

2) Zergaren kuotaren %75eko hobaria, elektrikoak diren ibilgailuei eta isuririk gabeko ibilgailuei; kasu bietan, denbora mugarik gabe.

3) Kuotaren %75eko hobaria, motor hibridoa duten ibilgailuei. Hobariak 5 urteko iraupena izango du ibilgailuaren lehenengo matrikulaziotik zenbatuta.

Atal honetan aurreikusitako ondorioetarako, autokitapena egin behar ez duten ibilgailuen titularrek (berriak ez diren ibilgailuak), hobaria jaso ahal izateko, dagokien eskaera aurkeztu beharko dute, behar bezala sinatuta, ondorioak sortzen hasten diren zergaldiko urtarrilaren 1etik otsailaren 15era bitartean. Eskaera otsailaren 15a baino geroago aurkezten bada, hobariak aintzatespenaren hurrengo urtean sortuko ditu ondorioak. Eskaerarekin batera, honako agiriak aurkeztu beharko dira:

— Zirkulazioko baimenaren fotokopia.

— Ibilgailuaren fitxa teknikoaren fotokopia.

Lehenengo aldiz matrikulatzen diren ibilgailuen kasuan, hobaria ofizioz aplikatu da hurrengo urtetik.

c) Hobariak familia ugarietzat:

Ezarritako kuotetan hobaria baliatzeko eskubidea izango dute 5 plaza edo gehiago dituzten turismoek, artikulua honetan ezarritako zenbatekoan eta baldintzetan, betiere 16,00 zaldi fiskal baino gutxiago badituzte. Indarreko legeriaren arabera familia ugarietzat jotzen den familiako kideetako batek izan behar du hobariaren titularra.

Ibilgailu bakar batengatik jasoko da hobaria familia bakoitzeko, eta familia-unitatearen Diru-Sarra Gordinen arabera kalkulatu da hobaria

— %80ko hobaria familia-unitatearen diru-sarrera gordinak 25.000 eurotik beherakoak badira.

— %60ko hobaria familia-unitatearen diru-sarrera gordinak 25.000 eurotik gorakoak baina 35.000 eurotik beherakoak badira.

— %40ko hobaria familia-unitatearen diru-sarrera gordinak 45.000 eurotik beherakoak badira.



Hobaria baliatu ahal izateko, familia unitateko kide guztiek egon behar dute errol-datuta udalerrian.

Atal honetan aurreikusitako ondorioetarako, ibilgailuen titularrek urtero eskatu beharko dute hobaria (urteko diru sarrera gordinen arabera da eta), behar bezala sinatuta, ondorioak sortzen hasten diren zergaldiko urtarrilaren 1etik otsailaren 15era bitartean. Eskaerarekin batera, honako agiriak aurkeztu beharko dira:

- Zirkulazioko baimenaren fotokopia.
- Ibilgailuaren fitxa teknikoaren fotokopia.
- Azken errenta aitopenaren fotokopia, non familia unitatearen urteko diru sarre-rak jaso beharko diren, edo diru sarrerok egiaztatzen dituen dokumenturen bat.
- Familia ugariaren titulua, Bizkaiko Foru Aldundiak edo arloan eskumena duen beste erakunde batek emana hain zuzen ere.

Administrazioak beretzat gordetzen du hobaria emateko beharrezkoak diren baldintzak betetzen direla ofizios egiaztatzeko eskubidea, baita subjektu pasiboak hobaria izateko duen eskubidea egiaztatzeko beharrezko agiriak aurkez ditzala eskatzeko ere.

Hobaria ez da bateragarria izango ibilgailu beraren Trakzio Mekanikoko Ibilgailuen gaineko Zergako beste ezein onura fiskalekin.

d) Helbideratzearen ziozko hobaria:

Kuotaren %5eko hobaria aplikatzeko eskubidea izango dute zorrak finantza-erakunde batean helbideratzen dituzten subjektu pasiboek, ordainketak aurreratzen dituztenek eta zerga-bilketan laguntzen dutenek.

Ordenantza honetan ezarritako hobariak ez dira metagarriak. Subjektu pasiboak hainbat hobari lor ditzakeenean, beren beregi aukeratuko du horietako bat, eta hori ezean hobaririk handiena aplikatuko du udal administrazioak.

Ez da berandutze-interesik exijituko ordainketa luzatzeko edo zatitzeko erabakietan baldin eta borondatezko epealdian eskatu badira eta zor guztiak sortzen direneko ekitaldi berean ordaintzen baldin badira.

IV. SUBJEKTU PASIBOAK

5. artikulua

Zerga honen subjektu pasiboak dira Zergei buruzko Foru Arau Orokorreko 33. artikuluan ageri diren pertsona fisiko edo juridikoak eta erakundeak, zirkulazioko baimenean ibilgailua beraien izenean agertuz gero.

V. KUOTA

6. artikulua

1. Zerga eranskineko tarifak aplikatuz eskatuko da.
2. Ibilgailu-mota zehazteko, arau bidez ezartzen denari jaramon egingo zaio, eta gainera kontuan hartuko dira ondoko arauak ere:
 - a) Furgonetatzat ondokoak joko dira: pertsonak eta gauzak batera garraiatu ahal izateko moldatutako turismo-ibilgailuak, zenbait eserleku eta kristal kendu zaizkienak, ateen neurriak edota kokapena aldatu, eta bestelako aldaketak egin zaizkienak, baina jatorrizko ibilgailuaren modeloaren ezaugarriak funtsean aldatu gabe. Furgonetengatik, turismoak balira bezala ordainduko da Zerga, euren zerga-potentziaren arabera, ondoko kasuetan izan ezik:
 - *Lehenengoa*: Ibilgailua bederatzi pertsona baino gehiago, gidaria barne, garraiatzeko gaiturik badago, Zergak autobusa balitz bezala kargatuko du.
 - *Bigarrena*: Ibilgailuak 525 kg-tik gorako zama erabilgarria garraiatzeko baimena badu, Zergak kamioia balitz bezala kargatuko du.



- b) Zerga honen ondoreetarako, moto-gurdiak motozikletatzat joko dira eta, beraz, euren zilindradaren edukieraren arabera ordainduko da Zerga.
- c) Ibilgailu artikulatuei dagokionez, Zergak aldi berean eta bereiz kargatuko ditu arraste-indarra duen ibilgailua eta hark herrestan daramatzen atoi eta erdi atoiak.
- d) Edukiera dela-eta matrikulatu beharrik ez duten ziklomotor, atoi eta erdi atoiak zirkulatzeko gai diren ibilgailutzat joko dira Industria Ordezkaritzak horren ziurtagiria ematen duenetik, edo ibilgailua zirkulatzeko hasten denetik, kasuan kasukoa.
- e) Makina autopropultsatuentzat, alegia, trakzio mekanikoko beste ibilgailu batek gainean edo herrestan eraman gabe herri-bidetik berez ibil daitezkeen makinengatik, traktoreei dagozkien tarifak kobratuko dira.
- f) Nolanahi ere, tarifetako D) letran agertzen den "traktore" izen orokorrak barne hartzen ditu hala kamioi traktoreak nola "obra eta zerbitzuetako traktoreak".
- g) Zerga honi dagokionez autokarabanez turismo moduan tributatuko dute.

VI. ZERGALDIA ETA SORTZAPENA

7. artikulua

1. Zergaldia egutegiko urtea izango da, ibilgailua lehenengoz eskuratzen denean edo baja ematen zaionean izan ezik. Izan ere, horrelakoetan, zergaldia eskuraketaren egunean hasiko da, edo ibilgailuari Trafiko Burutzan baja ematen zaion egunean amaituko da, hurrenez hurren.

2. Zerga zergaldiko lehen egunean sortuko da.

3. Ibilgailuen lehen eskuraketa denean, edo haien bajaren kasuan ere, Zergaren kuotaren zenbatekoa egutegiko hilekoen arabera hainbanatuko da, alta edo baja gertatzen den datari dagokiona barne.

Halaber, kuota hainbanatuko da ibilgailua aldi baterako baja emanda badago, lapurtu edo ebatsi dutelako; hori guztia aldi baterako baja dagokion erregistroan jasotzen den unetik hasita.

VII. KUDEAKETA

8. artikulua

Ibilgailuaren zirkulazio baimenean ageri den egoitza zein udalerritan dagoen, hango udalaren eginkizunak izango dira ibilgailu horren zerga kudeatzea, likidatzea, ikuskatzea eta biltzea, eta bai zerga-kudeaketan agindutako egintzak berrikustea ere.

9. artikulua

Udalak auto-likidazio araubidean eskatu ahal izango du zerga hau.

10. artikulua

Zerga ordaindu delako frogagiria Udal Administrazioak emandako ordainagiria izango da.

11. artikulua

Zerga norberaren borondatez ordaintzeko epealdia martxoaren 15etik apirilaren 30era artekoa izango da, biak barne; hala ere, epealdiaren lehen edo azken eguna baliogabea bada, hurrengo egun balioduna hartuko da kontuan.

12. artikulua

1. Trafiko Burutzari ibilgailua matrikulatzeko, zirkulaziorako gaitasunaren ziurtagiria emateko edo ibilgailuari behin betiko baja emateko eskatzen diotenenek, aldezturik Zerga ordainduta dutela frogatu behar dute. Hamabost urte edo gehiago dituen ibilgailu bati behin betiko baja eman nahi bazaio, ez dago ezer frogatu beharrik.



2. Gauza bera egin beharko dute ibilgailuen titularrek Trafiko Burutzari ibilgailuaren eraldaketaren berri ematen diotenean, baldin eta eraldaketak zerga honen ondoretarako ibilgailuak duen kalifikazioa aldatu badu, bai eta ibilgailuaren zirkulazio-baimena eskualdatzen bada edo bertan ageri den egoitza aldatzen bada ere.

3. Zerga ordaindu dela frogatu ezean, Trafiko burutzek ez dituzte espedienteak tramitatuko.

13. artikulua

Matrikulazio berrietan, edo ibilgailuari egindako aldaketek zerga ondoretarako kalifikazioa aldatzen dutenean, interesatuek jarraian adieraziko diren agiriak aurkeztu behar dizkiote Udal Administrazioari, Zergaren matrikulari eransteke, matrikulazioa edo aldaketa egiten den egunetik zenbatu beharreko 30 eguneko epean:

- a) Zirkulazio baimena
- b) Ezaugarri teknikoen ziurtagiria
- c) NAN edo IFK.

VIII. AZKEN XEDAPENA

Ordenantza honen aldaketa eta beraren Eranskina 2022eko urtarrilaren 1ean jarriko da indarrean eta hala egongo dira aldatzea edo indargabetzea erabaki arte.

**ERANSKINA / ANEXO**

Ibilgailuaren potentzia eta mota / Potencia y clase de vehículo	Tarifa
Turismoak / Turismos	
8 zerga-zaldi baino gutxiago / De menos de 8 caballos fiscales	28,395
8-11,99 bitarteko zerga-zaldiak / De 8 hasta 11,99 caballos fiscales	76,680
12 - 13,99 bitarteko zerga-zaldi / De 12 hasta 13,99 caballos fiscales	142,05
14-15,99 bitarteko zerga-zaldiak / De 14 hasta 15,99 caballos fiscales	210,35
16 - 19,99 bitarteko zerga-zaldi / De 16 hasta 19,99 caballos fiscales	275,86
20 zerga-zaldi baino gehiago / De 20 caballos fiscales en adelante	343,77
Autobusak / Autobuses	
21 plaza baino gutxiago / De menos de 21 plazas	179,10
21 - 50 plaza / De 21 a 50 plazas	255,08
50 plaza baino gehiago / De más de 50 plazas	318,85
Kamioiak / Camiones	
1.000 kg-tik beherako zama erabilgarria / De menos de 1.000 Kg. de carga útil	90,90
1.000 – 2.999Kg bitarteko zama erabilgarria / De 1.000 a 2.999 Kg. de carga útil	179,10
3.000 - 9.999 kg bitarteko zama erabilgarria / De 3.000 a 9.999 Kg. de carga útil	255,08
9.999 kg-tik gorako zama erabilgarria / De más de 9.999 Kg. de carga útil	318,85
Traktoreak / Tractores	
16 zerga-zaldi baino gutxiago / De menos de 16 caballos fiscales	37,99
16-25 bitarteko zerga-zaldi / De 16 hasta 25 caballos fiscales	59,71
25 zerga-zaldi baino gehiago / De más de 25 caballos fiscales	179,10
Trakzio mekanikoko ibilgailuek daramatzaten atoiak eta erdi-atoiak Remolques y Semirremolques arrastrados por vehículos de tracción mecánica	
1.000Kg. Baino gutxiagoko zama erabilgarria / De menos de 1.000 Kg. de carga útil /	37,99
1.000 - 2.999 kg bitarteko zama erabilgarria / De 1.000 a 2.999 Kg. de carga útil	59,71
2.999 kg-tik gorako zama erabilgarria / De más de 2.999 Kg. de carga útil	179,10
Bestelakoak / Otros	
125 cc arteko ziklomotorrak eta motozikletak / Ciclomotores y Motocicletas hasta 125 c.c.	9,50
125cc baino gehiagotik 250cc arteko motozikletak / Motocicletas de más de 125 hasta 250 c.c.	16,28
250cc baino gehiagotik 500cc arteko motozikletak / Motocicletas de más de 250 hasta 500 c.c.	32,57
500cc baino gehiagotik 1.000cc arteko motozikletak / Motocicletas más de 500 hasta 1.000cc	65,12
1.000 cc-tik gorako motozikletak / Motocicletas de más de 1.000 c.c.	130,25